

ME HYE ASE WO NYANKOPON NE DZIN MU, ODOMFO, MBOBORHUFO NO.

Fida Nyamesemka: Ebowbira 26, 2013.

(Friday sermon – 26th April, 2013 – Fante Translation)

HOM MFA NOKWARDZI NA PERPERYE NKYEREKYERE.

O! hom nkorɔfo a hom agye edzi! Hom ngyina pintsinn mma perperye na hom nye adasefo mma Nyankopon se otsia hom ankasa anaade hom awofa na hom ebusuafu mpo a. Se oye ɔdzefo anaa ohianyi, Nyankopon woyi hom beenu ho kyen no. Dem ntsi mma hom nndzi honam akondɔ ekyir ama hom eetum edzi nokwar perperye. Na se hom dze nokwar sie anaade hom yi no akwa a ono hom nkae de Nyankopon enyi tua dza hom yenyinara (4:136).

O! hom a hom agye edzi! Hom ngyinae pintsinn wo Nyankopon kwan mu, de hom bedzi dase perperye na mma hom mma nkorɔfo hon enyitan mmpuw hom ma hom nnye dza ommfata de hom bedzi perper. Aber biara dzi perper, iyi ben tseneneeye ho papaapa. Na suro Nyankopon. Ampaara Nyankopon nyim dza hom ye.

Nyankopon ahye hon a wogye dzi na woye ndzepa no de wobonya bonfakye na akotua mapa (5:9-10).

Mber pii Islam n'atamfo susu de Islam ye som a woye ndzebɔn ma otra do, ma dem ntsi otwetwe otan bra no. Ewurkadze biara a woye no wiadze yi mu no, dem nkorɔfo a wofre hon Muslimfo na woye, binom anaade hon a wato honho dzin de woye Islam mboanofa anaa Jihad ekuwekuw, hon ndzebɔn no wodze hye Kuran Kronkron na Nkonhyenyi Kronkron (NNN). Na wokeka nsem a wogye ebufuw eso woye fi fa honho. Mber yi mu yi, Asomfo a wodzi nokwar na wesi pi etu honho ama a woka Nkonhyenyi Kronkron (NNN) do no nna wonam Kuran Kronkron do yi ano tsia dem nsemkekae yi a odze ayeka ba yi. Dza oka Kuran mu nsem ye som a woye ewurkadze mbordo no bi nye dza wo sor ho no a yedzii kan kenkanee no. Dem nsem yi a yekankanee yi ye Islam ne nkyerekyere wansewase ne mfatoho bi. Obiara a onnye Muslimnyi a n'adwen mu da ho bekanfo Islam ne nkyerekyere yi a no mudzi wotow n'abaw a onnyia yi naaso obebisa de henfa na dem nkyerekyere yi wodze ko ndzeyee mu? Hon a wonnye Muslimfo a wonye hen kuwmba wo nkitahodzi no kyere hon adwen de, mbom wuhu dem nkyerekyere yi ne nyee wo kuw yi mu na hon dodow fsuar na dza worohwehwe ehu nye de nkye ekuwekuw nkaa no so beye demara. Ahmadiyyafo nam hon ankorankor ntseasee na adwmdaho do dzi dem dwuma yin a otaa de nkorɔfo enyi gye ho.

Mbom wo de yesi no ewur ka de mbre ndzembra tse na yehwehwe henara hen ndzeyee mu. Nokwar, yebɔ mbɔdzen de yeyiyi nsembisa ano yie ma odzi mu ara so yie. Nkorɔfo hu no siesie de hon a wawea adwenkyere wo nsem ho no rekyere hen ho nsem a oye a wobo hen dzin anaaso wommbɔ hen dzin ka de Muslimkuw bi a hon dodow suar tsia ewurkadze ne nyee na okyere peye wo nokwardzi ho na oda noho edzi de ono na odze nokwar Islamsom no ko nyee mu. Se Hadhrat Khalifatul Masih tsie obinom hon adwenkyere anaaso oreyere

Islam nkyerekyere no kyere obinom a, ohu de ohia no na otwe n'adwen gyina nokwar do de owo de yekaakaa na yepeowpeow mu hu mbre yedze hen nkyerekyere ko nyee mu. Ana yehu de oyie de mber kumaabi mu no yema hon a wotsia hen no ka hon ano to mu na se wiadze mba ye henho mpensampensamu a nna dza yeka fa henho no nntse dem?

Se kuw biara ko ahokyer mu na okuwba biara dze Nyankopon Ne nkyerekyere ko nyee mu a onya Nyankopon enyigye de woesi nkitsi rosow obende no. Ne mdzeyee wo de odzi mu ara ma oma ofi dem tsebea no mu sokyee. Se ammba no dem dze a, ono de erekyere nkyerekyere ne faefew ara keke no mma kuw a wonnye no nkyere no frodooe. Ndandzamba dodowara a wonnye Ahmadiyya Muslimfo wode wode Islam ne nkyerekyere faefew no a wode bema hon no beda Islam n'ahoofew edzi na annhwe a sama hon a wonnye Muslimfo no enyi agye hon ho, na onam enyidze na nkitahodzi ntsi annhwe a nna hon a wonnye Muslimfo no egyaa de wokasa tsia Islamsom.

Mbom, Ahmadiyya Muslimfo dze Islam ne nkyerekyere faefew no rema adasa a, owo de wokaakaa hon adwen na woda honho edzi de woye Ahmadiyya Muslimfo na woye nyia no a okaa maa noho de orebada Islam a otodo ebien no edzi no n'akadofu. Ahmadiyyanyi no a oreyerekyere mbre Islam n'ahoofew tse no, mma onyia no nnye obi a ose ayeyi nko bi, na oma kuw no a oma nokwardzi na asomdwee ba no so kron. Se soronko bi beba dza Ahmadiyyanyi ye na asem a oka a nkorofu beka de osimesi ka asem bi na oye dza onye no bo ebira anaaso omma nokwardzi nnhye ma. Nokwar de, woka ntsemara de osimesi ye Ahmadiyyanyi na woka nsem pii da hon no edzi na woka de hon na wodzi bano wo nokwardzi na perperye mu, mbom binom wo mu a wode dza otsia perperye kerekese abebar honho. Nkorofu bi a wonye Ahmadiyyafo dzi gua kyerew kema Hadhrat Khalifatul Masih wo nokwar na perper a Ahmadiyyafo nndzi ho. Dem kwan yi Ahmadiyyanyi gu Kuw yi no fi na oma kasa ba ho. Onam dem ntsi oye bon mbordo osiande dza oka ma noho no ne ndzeyee bo ebira. Nokwar yi so haw Anohoba Messiah (ANN) ma okaa de mma nkorofu nngu n'enyim ase wo ber a wode honho abo noho.

Nsem a woboboo edzin wo akenkan no mu wo de wode ko nyee mu wo tsebea biara mu, dem nyee nkotsee na obeye wo su ma egyaa bon ye. Ogye obi abamba ma onndwen dza oye bon ho, dza onnye perper, adze biara a woatwen efi nokwar ho anaade biribi ne nyee a obehaw obi. Dza oda Nyankopon ne nkyerekyere na Islamsom no su a oye few edzi papaapa no, se Ahmadiyyafo dze ko nyee mu a nkye abedzi mu. Se yebo mbodzen de yebanya dem gnyiabew yi a yeakenkan efi Kuran mu yi wo tsebea biara mu a, wo hen efieffi, wo dom mu, hon anyenkofo mu, hon a wokeka ho na hen atamfo mu! Iyi nkotsee na obema obi aye gyedzinyi nokwarfo na woebu no de oye mber yi mu Imam no ne kadofu, ammba no dem dze a, dza yeka fa hen ho no beka dza Anohoba Messiah (ANN) dween no bo mberew, nokwar yeyi no takyen koraa.

Dwumadzi a odzi kan a wode ahye Kuran mu a yeakenkan asopon no nye de yefa Nyankopon Ne mbransom no do dzi dase. Onnyi de yedua hen ara hen su do dzi dase, mbom owo de yedzi dase dze hwehwe Nyankopon enyigye. Afei woda no edzi de nsa beka iyi a owo de yebo bra a okron, na iyi beye yie a gyede nokwardzi si pi. Nkyii so, se obeye yie a, gyede

idzi Nkɔnhyenyi Krɔnkron (NNN) ne nhyesem a ɔkyere de ye adze ma obi de mbre ebeye ama woara wo ho. Onnyi de ɔba no de obi n'enyi da na ɔpe de obenya perper na woammfa amma no ma ɔgye no ebufuw no, na ɔba no de woye obi n'apedze ma no a, ɔno ɔhye ase siw ho kwan. Se epe de inya perper ma wo ho a, Kuran nyiyimu, Ahadith na Anohoba Messiah dza (ANN) ɔkyerewee a ɔdze Nyankopon ho suro hye obi a ɔretsiaisia fahodzido ɔnye nyimpa no so a osiesie nsemansa no. Mbom, obi wo de odzi dase nokwar mu a, de nkye obedzi dase nokwar no, otum ka nsem kowakowa no ye no bisibisi basaa, mpo otum ka asem no dze ma noho nyimpa anaa no dofo bi. Iyi nye egyidzifo nokwarfo hon suban osiande dza gyedzinyi beye biara, ɔye dze hwehwe Nyankopon N'enyigye. Iyi ma obi mpo tum dzi dase dze tsia ɔnoara noho.

Onnyi de obi ma nokwar dasedzi mu ɔhaw haw no wo kwan biara do. Iyinom botum ama obi n'ebusuafo, ne mba, n'ayenkofo anaa n'awofo mpo ako ɔhaw mu, se odzi dase nokwar mu a. Kansa nokwar dasedzi bema obi no nkorɔfo na n'adofo edzi noho yaw mpo a, ɔwo de odzi dase a ɔtse dem no nokwar mu. Nyankopon aka de, nnye nyimpa ne nyansakorono a ɔdze dzi dase na ɔma ɔye ɔdzefo, mbom ɔye Nyame N'adom. Se Nyankopon pe a, nna ɔma obi nya yiedzi. Obi botum enya mfaso kumaabi wo dasekrum do, naaso no nsunsuando no mu ɔhaw no doɔso. Dem ntsi ɔwo de obiara dze Nyankopon ye ne nyanko na odzi nokwar na ɔhwehwe Ne nkyen kwan na ɔye dza ɔtsen ama perper egyina ho. ɔwo de obiara dzi nokwar wo no dwumadzi nyinara mu wo ne daadaa asetsena mu kyen de obi bedzi ɔnoara no pe do na obeyi perper na nokwar akwa, na ɔbefa ndaadaa kwan do na woaka nsem a enyi nda ho, na woakata nokwar do ma woenya Nyankopon n'ebufuw hyew.

ɔwo de obiara dze n'enyi si Nyankopon N'enyigye do na ɔdze ye ne botae. Mber bi nna Anohoba Messiah (ANN) no wo de odzi dase wo ekuadwuma nsem bi ho. Nna manso esi wo ekuafɔ nye abehyemfo bi hon ntamu wo ndua bi ho. Na edwumayefo no nyim pefee de Anohoba Messiah (ANN) ye nokwarfo, na Anohoba Messiah (ANN) no dzii dase wo ɔtsenbuafo no enyim de ndua no ye edwumayefo no dze. Iyi maa Anohoba Messiah (ANN) n'egya na ne na nye n'ebusuafo binom enyi angye no ho, naaso odzii nokwar dase. Iyi nye gyinabew a Anohoba Messiah (ANN) no kyere de ye fasusu to ho a ɔwo de yedzi do. Dem fasusu yi ara na Nkɔnhyenyi Krɔnkron (NNN) no so dze hyee hen na ɔkyere hen de yendzi do. Nyankopon aka de obiara a odzi dasekrum botum adaadaa adasamba naaso Nyankopon dze Ohu dzebiara a yeye. Dem ntsi se yeka de hen na yekyerɛ adasamba kwan pa no, na se hen suban nye hen ndzeyee nye dza yeka no bo abira a, de mbre ɔbeye ma yeenya mfaso kumaabi ntsi a, ɔno dze de mbre asomdwee na bambɔ etu kafo no, ɔdze basabasaye mbom beba hen asetsena mu.

Se gyedzinyi ma ne ndze do tsia emindzi a, gyede ɔnoara so dzi perper na ɔma nokwadzi gyinabew tu kafo na ɔma no dasedzi gyina Nyankopon Ne mbransem do. Surah Al Maidah no nyiyimu a meka ho asem no, kyere perper gyinabew a ɔko sor a Nyankopon pe de yekyerɛ wo hen abrabo mu. Onnyi de yedzi perper ma henara henho henho mbom ɔwo de yedzi perper ma hen atamfo mpo, osiande hen atamfo so hwehwe de yedzi perper wo hon ntamu. ɔwo de yetum ma hon enyidado de yenye hon bedzi no perper. ɔwo de yekyerɛ hen

atamfo mpo de dza gyedzinyi ye biara, oye wo nokwar nye nyamesuro kwan do. Dem ntsi enyitan nnkotum ama yeegyaa nokwar nye perper ekyir. Enyitan nnyi hen akoma mu na yebɔ no dawur de yennyi otan ketsekete mpo ma obiara. Otan nnkotum ama yeefi nokwar na perper kwan do ama yeetum ahaw obiara. Iyi nye Islam ne nkyerekyere pa no a de yedze kyerekyere a ohye hon nkuran ma wonya pe bi de wobebisa Islam ho nsem.

Owo mu de hen nsem botum atwe dom kukuankoma aba hen nkyen dze, mbom dza yebeka afa asomdwee nye bambɔ ho no benya nsunsuando pa wo adasamba do wo aber a yedze bokɔ nyee mu. Se Nyankopon ka de 'hom ntsintsim wo Allah No mu' a, nna Odze ahyedze kesenara na Odze ahye hen. Ha yi begyina pintsinn kyere de bedzi perper wo no kwan do na edze adwen na tsirmu pow betae ekyir. Onam mbodzenbo mber nyinara do na yebotum etsintsim perper, nokwardzi, asomdwee na banbo wo wiadze yi mu. Mber yi mu dze oye agyedzifo mapa hon ahyedze. Ahmadiyyafo na ofata de wo tsintsim perper, nokwar, asomdwee na bambɔ wo asaase yi do, na wofa N'akwan pa ahorow nyinara do. Siantsir nye de hen mber yi do kandzinyi (Imam) akyere hen Islam no kwan pa no na afei yebɔ mbodzen de yedze mbranssem so beye edwuma. Na yeker henho hwe de perper ahen na yeridzi na yebohwe hen akoma mu de dza Anohoba Messiah (ANN) dze hye hen no, no mu ahen na yeetum dzi do.

Se yeye dem a, ebenadze ntsi na yennya awerehyemu wo hen efie fie? Ebenadze ntsi na odo nnyi hen awar mu? Ebenadze ntsi na korye nnyi anuanom ntamu? Ebenadze ntsi na awar mu nkitahodzi see osian adwen pa a yennya mma henho onye nokwar a yenndzi ntsi. Ebenadze ntsi na eguadzi a oda anyenkafo ntamu dze otan na enyitan ba anyenkofo ntamu? Ebenadze ntsi na yedze nsem pii kodan Qadha Board (asendzibea). Ampaara siantsir ara nye de nnye dza owo hen akoma mu no na yedze ko nyee do. Dza owo akoma mu no nyehen ndzeyee bo ebira. Owo dza yeye dze ma henho nna ma yeye dze ma obinom so. Owo de Ahmadiyyanyi biara dwen asem yi ho yie. Dzibewdzifo nye Ahmadiyyanyi ancorankor biara ndwen kwan a wobefa do edzi perper onye nokwar wo hon ahyedze nyinara mu a obema yeenya Nyankopon N'enyigye.

Mbre otse biara owo de hen adwen ko Nyankopon No mbranssem do na yedze ko nyee do. Anohoba Messiah (ANN) no ka de, banbo na asomdwee nnyi bebiara kotsir Nyankopon Ne bambɔ no. Dem ntsi se yeannye dza odzi mu na osi kwaa a, yennkotum enya Ne bambɔ no. Ana obi botum aka de, se nsukom dze obi a, na onya nsu kum kor per a oboso no, anaa se okom dze obi so a edziban ntroma kor boso no anaa? Obiara ronntum nnka de wamee gyede woedzidzi na wcanom yie. Dem saso ara na se hen dwumadzi ennsi pi a, yerennya no mu aba pa. ndwuma sin nnsɔ Nyankopon enyi, dem ara so na nhaira mmba do. Nyankopon abo anohoba de se hen ndwuma so N'enyi a Ohaira do.

Nyankopon dze Islam n'asomdwee na bambɔ ho dawurbo ho ahyedze ahye hen nsa wo wiadze afanandze nyinara. Iyi owo de yedze perper na nokwardzi bo ho bra. Perperye beba wo aber a yebodwen Nyankopon Ne mbranssem ho ako ekyir. Owo de yeye hen ahyedze ma Nyankopon nye nyimpa. Yesere de Nyankopon bema hen tum ma yedze ahye hen ahyedze ma. Na yeentum nye hen efiefi nye ekuwekuw ma onye de ahenman wo Islam no

nkyerekere do. Na yeentum nhye Tabligh ho ahyedze mã. Na yeentum mfa Islam nkyerekere pa a ofa perperye ho no mpetse wiadze no afanandze nyinara ama yeetum abo ho ban efi osee mu. Wiadze yi roko osee kese mu wo ohaw do. Perperye nnyi Muslimfo nye hon a wonnye Muslimfo hon mu. Nnye de perper nkotsee na yenndzi do eso yeatra etsirmozen ne hye nyinara. Dem mpempendo yi Ahmadiyya Jama'at per na obotum etwitwa agye wiadze yi efi osee a otse dem yi mu. Dem ntsi obiara mper de obeye n'afa mu dze na odze mpaabo ataa ekyir. Perperye a onnyi Muslim amanaman mu ntsi ama ntawantawa aba hen mu, demara so na ohaw a ofi amanadze aka hon. Tse de mbre oko kese ebegyina hon tsir do. Wiadze nnyaa nnhuu dem ohaw yi, dem ntsi o'ebu hon enyi agu do. dem ntsi Muhammad (NNN) No Messiah no nkoa pa no wo de woye hon afa mu dze na wobo mpaa kese.

Yesere de Nyankopon bema hen tum ma yedze ahye hen ahyedze mã na yeetum abo wiadze ho ban efi osee mu.

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us